

梅溪王先生文集

梅溪先生文集

四部叢刊集部

梅溪王先生文集序

知人之難堯舜以為病而孔
子亦有聽言觀行之戒然以
予觀之此特為小人設耳若
皆君子則何難知之有哉蓋
天地之間有自然之理凡陽

必剛必明則易知凡陰
必柔柔必暗暗則難測故聖
人作易遂以陽為君子陰為
小人其所以通幽明之故類
萬物之情者雖百以不能易
也予嘗竊推易說以觀天下

之人凡其光明正大疎暢洞
達如青天白日如高山大川
如雷霆之為威而雨露之為
澤如龍虎之為猛而麟鳳之
為祥嘉落、多纖芥可疑
者必君子也而其依阿澆忍

回互隱伏糾結如蛇蚓類細
如蟣虱如鬼蜮如蠱如盜賊
詛祝閃候狡獪不可方物者
必小人也君子小人之極既
定於內則其形於外者雖言
談舉止之微無不發見而況

於事業文章之際尤所謂粲
然者彼小人者雖曰難知而
亦豈得而逃我於是又當求
之古人以驗其說必於漢得
丞相諸葛忠武侯於唐得工部
杜先生尚書顧文忠公侍郎

韓文公於本朝得故叅知政
事范文正公此五君子其所
遭不同所享亦異然其心則
皆所謂光明正大踈暢洞達
磊落而不可掩者也其
見於功業文章下至字畫之

激蓋可以望之而得其為人
求之今人則於太子詹事王
公龜齡其亦庶幾乎此者矣
公如以諸生對禁庭中一日
數萬言被遇太上皇帝親擢
以冠多士遂取其言施行之

及佐諸侯入冊府事今上皇
帝於初潛又皆以忠言直節
有所裨補上亦雅敬信之登
極之初即召以為侍御史納
用其說公知上意以必復土
疆必雪讎恥為已任其所言

者尊非脩德行政任賢討軍
之實而於分別邪正之際尤
致意焉尋以邊兵失律建議
不咸上疏自劾除吏部侍郎
不拜去為彰郡布上恩恤民
隱蚤夜孜孜如饑渴嗜欲之

切於已去之日民思之如父
母其處閨門居鄉黨必又親
親敬故隆信義務敦樸強家
人孺子亦藹然有忠厚庶遜
之風平居無所嗜好願喜為
詩渾厚質直懇惻條暢如其

爲人不爲浮靡之文論事取
極已意然其規接宏闊骨幹
開張出入變化俊偉神速出
之盡力於文字者注、反不
能及其他片言半簡雖或出
於脫口肆筆之餘亦無不以

仁義忠孝為歸而皆出於肺
腑之誠然非有所勉強慕倣
而為之也蓋其所稟於天者
純乎陽德剛明之氣是以其
心光明正大踈暢洞達無有
隱蔽而見於事業文章者一

皆如此海內有志之士聞其
名誦其言觀其行而得其心
無不欽衽心服至於小人雖
以一時趨向之殊或敢巧為
謗詎然其極口不遇以為迂
闊近名不切時務至其大節

之偉然者則不能有毫髮點
污也然則公於五君子者迹
雖未必皆同而心實似之故
自其布衣時嘗和韓詩數十
百篇守番及薊公又遠在葛
杜顏范之遺墟皆嘗新其祠

宇以致歆慕之意蓋亦每自
比焉嗚呼公之必為君子蓋
不待孔孟堯舜而知之矣予
昔官中秘直西省皆得與公
為寮辱公知顧甚厚及來守建
康公破幾十年而其子聞